

C
C
C

C

C
C
C

DISCVRSVS

SUPER

Famofissima quæstione in Consilio
regio agitata.

CONVENIATNE

CORONÆ FRANCICÆ AMI-
CITIAS ET FOEDERA POTIVS CVM

Catholicis quàm cum Religionis reformatæ,
ut prætendunt, Sæctatoribus
iungere.

*Pro Regis Christianissimi & Regni
defensione.*

AUCTORE

M. de R. olim Regio Advocato

AD

Parlamentum Parisiense.



Lutetiæ Parisiorum.

Apud Josephum Bouïllerot,

CIO. IDC. XXVI.

DISCVRSVS

SVPER

FAMOSISSIMA

QVÆSTIONE IN CON-

filio Regio agitata.

DOMINI & Collegæ. Consilium dare sapientibus non supervacuum modo, sed etiam temerarium videri solet: si quid enim opportunum Consultor attulerit, id iam antè illi cogitatione præviderunt. Si errarit, geminæ notam stultitiæ subeat, necesse est: cum quòd inutile consilium, tum quòd sapientibus obtruserit. Nec ignota mihi quorundam morositas, qui bene suadentes, tanquam contumeliosos oderunt. Contemni enim se arbitrantur, si aliud quàm ipsis visum est, in mediũ adferatur: Solos enim sapere se iudicant, alios esse vmbra, quod genus hominum cum in consilio Principũ dominatur, perniciosissimè stultum est. Ab eo vos longissimè abesse experientia docuit, quos auditis causis. in melius mutare sententias certum est. Primas sapientiæ partes esse nôstis, sibi non fidere, aliena non aspernari. Insonuit vestris auribus Henrici Magni regia vox: *Consilium amici aut bonum esse, aut melioris occasionem, etiam apud sapientissimos.* Eà causâ

*Nemo sapiens suo solus
no consilio
nitatur.*

ego vobis in summo regni fastigio positis, ingenio, doctrinâque cultissimis, vſu rerum exercitatissimis, ſapientiâ perfectis, aut bonum consiliunꝫ, aut melioris occasionem dare decrevi. Adolescenti mihi, cû primû ad regias causas adhiberer, Epistolam ſenior Magiſter ſcribebat, quam ab his verbis inchoabat, DA SAPIENTI OCCASIONEM ET ADDETVR EI SAPIENTIA, DOCE IVSTVM, ET FESTINABIT ACCIPERE. *Proverb. c. 9. §. 9.* Hæc ille de me rude ſapientiæ tirone amanter: ego de vobis eminentissimis Sapienciæ Themidofque ducibus verissimè vſurpo. De ſacrario vſtro ſalutaria regno decreta, de cortina vſtra ſacra oracula promuntur, fascibus vſtris cunctorum ſe iura ſubmittunt. Occasionem ergò ſapientibus offero, nec quicquam decerno, ſed quid agendum cenſeatis dubitator anquiro.

Bellis ardet Europa, bellorum non leve momentum nos ſumus, Gens Martia ſub Rege fortissimo, ſimul & iuſtiſſimo. Vbique Gallicus vigor omnia permeat, animâtque. Noſtris auxilijs fretæ Britannicæ claſſes navigant, Alpium Rhæticarum, & Apennini clauſtra noſtræ legiones inſident, auro noſtro militat Batavus, noſtros delectus, fruſtra fortis Germania contremiſcit, ad Albim & Viſurgin noſtro robore lacertos movent Reges, Principesque. Magna ſunt Gallici nominis encomia, maiora etiam quàm ſint, multis eſſe videntur. Magno tamen conſtant Patriæ, Magna hîc opum iactura, virum-

3
nūmque. Fœderatis ex pactis conventis succur-
rimus. Sed vires nostras cursus ille haurit, las-
cātque.

Iamq; domi vacuas quatit ager anhelitus arcas.
Quare res digna est sapientiā vestrā, ut iterum
disquiratis; an non expediat missis exulibus,
exulūmque amicis, Catholicorum, vicinorum,
potentium, amicitiam exambire. fœderāq; am-
plecti? causas ac rationes pro familiaritate adse-
ram, vos iudicatore.

Principiō in confesso est, Principes Catholi-
cos studiosissimè, sincerissimèque nostram a-
mitiam exoptasse, quesisse. Episcoporum,
aliorūmque in promptu sunt literæ actaque: à
nobis verò reiecti, ac contempti in postulatione
tamen perstiterunt, quòd illa iudicia non regni
aut Regis, sed impiorum hominum, hæreticisq;
mancipatorum esse crederent. Postquam verò
minis & terroribus egimus, amicè responde-
runt, fortiter ad resistendum se pararunt, ut o-
stenderent minarum nostrarum atrocitatem in
irritum cecidisse, dum ad impavidos animos il-
lisæ resilierunt. Nunc etiam cū nostris armis,
aurōque oppugnari se sentiunt, quamvis terro-
ris expertes, ad amicitiam tamen invitant. Salu-
tare igitur est homines tam cupidos nostri, tam
potentes, tam amantes, ut ne iniurijs quidem à
quærendo fœdere abalienati sint, toto pectore
amplecti, quos nobis in prosperis ornamento, in
dubijs auxilio futuros res ipsa spondet. E con-
trario quos amicos seligimus, illi nobis amici

L

*Catholicos
Principes
Francis a-
mici sunt,
etiam lasci.
Hæretici post
beneficia
accepta ino-
mici.*

non fuerunt, non sunt, non erunt. Quicquid in
 fœderatos hæreticos expendimus, totum periit,
 quia datum est ingratum, extortum est imperiosâ
 importunitate, amicos eos nobis nostra benefi-
 cia non fecerunt. Pudet dicere quæ in Senatu
 Veneto de Gente & Rege nostro declamata,
 non nos modò, sed etiam hostes nostri cogno-
 verunt, vix vallem Telinam occupavimus, cum
 illi in valle Chamonica tanquam contra hostes
 & prædones propugnaculum exstruere decre-
 verunt. De Ducibus nostris Diguerio & Cre-
 quio Sabaudus graviter, & lachrymosius quàm
 unquam de Hispano questus est, postremò fi-
 lius Sabaudi dissensionem inter parentem suum
 & Diguerium esse irreconciliabilem professus
 est. nec minor est inter Venetos & Covreum,
 quem sui tantum commodi ducere rationem
 affirmant. Ipsi Grisones tam Ducem nostrum,
 quàm regnum suspectum habent, Batavi cul-
 pam captæ Bredæ in nostram tarditatem reli-
 quationemque contulere, pacemque facturos
 sunt minati. Eadem Danus, Bruno suicus, Man-
 feldius canunt. Gabor aurum nos polliceri, ver-
 ba dare causatus, quiescit. Importunissimè, im-
 pudenterque pecuniam postulant, cum ac-
 ceperunt, tarditatem accusant, rei malè gestæ in
 nos culpam derivant. Relegite literas Briardi, de
 la Hai, flagitationes Wenzini, quotidie audimus
 acerrimos fœderatorum Poscones, Britannici
 etiam Legati expostulationes, quod signum est
 tot & tam immanibus expensis nos non amicos
 parasse

parasse, sed hostes, aut sanè querulos socios. At
Catholici quibus nihil dedimus, quos offendi-
mus, nobis amiciores sunt. Malè ergò regno Re-
gìq; consulunt, qui osores amare, fovere; aman-
tes odisse iubent, & odiendo efficere, ne nos ipsi
amare pergant. Illud etiam ut turpe, ita perni-
ciosum est. Per unum hominem, qui ad malè a-
gendum venundatus est, consilia, gesta, iura Ca-
tholicorum omnia mendacissimè referri, tam
propudiosà impudentià, quasi totius Europæ
& conscientiam fallere, & oculos fascinare pos-
set, quæ res in summam fraudem calamitatèsq;ue
regnum præcipitabit.

*Deoipitur
consilium Re-
gum men-
daca narra-
tione.*

In amicis prudenter cautèque seligendis ani-
maduertere prudentes suadent, quorum illi
sunt amici, aut hostes, quos iungere nobis sta-
tuimus. Exosum regi ministrum, omnes fugiūt,
tam videri, quàm esse eius amici abnuunt. Re-
gno hoc expedit, quod faciunt privati; si enim
ad nutum regiæ voluntatis amicitiam vel iungi-
m, vel solvimus, nonne supremo numini religi-
osior veneratio debetur? Calviniani omnes Dei
sunt hostes, Catholicorum etsi nonnulli pecca-
tores, multi tamen sunt iusti, omnes in Dei fami-
lia censi; Dei ergo inimicis arctissimè iungi, Dei
amicis infestum esse, Dei inimicis, ut eius ami-
cos trucident adesse, non est eius qui pacere
Deo desideret. Inimicus amici suspectus est, &
multò magis amicus inimici. Amicos Dei qui
tangit, pupillam oculi eius tangit. Omnis pu-
pillæ tactus acri dolore pulsatur, gravis pœna si

II.

*Hostibus
Dei ami-
cum esse pe-
riculosum.*

quis Deo caros persequitur. Amici Calvinistæ esse nos possumus, illi nobis non possunt non esse inimici: nam æternum à Deo bellum contra nos tanquam Antichristianos imperatum, sibi persuasissimum habent.

III.

*Discorso re-
ligio, brevis
amicitia.*

Amicitia ergo nulla vincula diuturna sunt, nisi firmitatem virtus & religio tribuat, ubi superstitio malefica sanguini inhiat, hominesque impij motus cient, nulla pacta aut iuramenta servantur, nihil opus est à me ista doceri, nostri nos Hugonottæ erudiunt. Iam centum milliones in bellis his annis insumpsimus, cum Hugonottis semper pacem facimus, & belligerare tamen cogimur. non meliore conditione cum Hugonottarum fratribus pax dabitur. Fides est fidei contraria, vota contraria votis, & fata fati. Cum eo in consilio sedere, in acie stare malo, quocum in templo preces concipere fas est, quocum mihi sacra communia sunt, quocum in beata vita mihi societas speratur, quam cum eo qui contra meam salutem nefaria vota nuncupat. Acer est stimulus religionis, ne sibi fidum credit, quem Deo credit infidum.

IV.

*Fama re-
ligio necessa-
ria.*

Verum ista nimium religiosa viris initiatis relinquo, ad nostra, hoc est, politica veniamus. Famam, decus, gloria, & honestum ipsum spectamus. Gloriosius est nobis, & regi Pijssimo, Iustissimo, Christianissimo, amicitia iungi summo religionis Antistiti, Cardinalibus, Archiepiscopis, Cæsari, Ducibus orthodoxis, fidei populo, quam hæreticis ad eos interficiendos auxilia præsta-

præstare. Fama constant, bellè florent regna, fama omni est flore tenerior, voce violatur, suspicionelæditur; Fama prima regni dos est, & tutamen. Ex socijs nostris, multi nos æstimant, impiorum consortia pijs infesta nos traducunt, alioqui pietatis amantiſſimos. Quanti operis sit, excusare arma Calvinianis contra Catholicos sociata, Dominus Cardinalis ipse novit, qui illa duodecim libellis pergnathones suos defendendo inflamavit. Magna admiratio est Potentiæ nostræ, quâ Hispanum Papamq; cogimus Rhætiis Vallem Vulturinam redhibere Utinam verè tam magna fama sit etiam bona, utinam ne invidia traditorum in manus hæreticas orthodoxorum, utinam ne per eam occasione effusus animarum sanguis in omnem æternitatem nos funestet: nam utcumque gravioris mali metus Papam, aut Hispanum excuset, nos profectò, qui ad ista cogimus, totus mundus accusat. Hic fama perit regni in præsens, & futurum tutatrix.

Regni securitatem quærimus, & si felicior fortuna aspiret, incrementum opum & finium: hæc fœderati Hæretici præstare nec volunt, nec possunt, verùm de securitate loquar sola. Nimiùm à nobis remoti sunt amici & fœderati nostri; quos offendimus, ostia quotidie pulsant. Vicinus est Britannus, sed ab eo contra Hugonottas auxilia sperare non licet, eos ipse tuerur, regnum deinde sibi vendicat, & spem per Hugonottas adipiscendi concepit. Sabauda exigua sunt

V.

Longinquum amicum parumper potest vicinus hominem multum obesse.

A 3

Fran-

— *Franco pro nomine vires,*

maiores in eū sumptus fecimus, quàm eius va-
let Provincia. Batavum dispescit Catholici Bel-
gij longus & potens tractus, populus bellator;
cuius hostilitas celeri ictu inferre damna potest,
multò antè quàm sonus in Hollandia audiatur.
Veneti interpositu Alpium, & vicinorū, à nobis
arcetur, aurum difficillimè mittunt, militē mit-
tere non possunt, Factionibus agitatur, in singu-
los menses eorū fœdus periclitatur & labascit.
Quicquid pender à multis, incertum est. Dacus
ad Eóos, Danus submotus est ad Arcton, lenta
subsidia & barbara, duriora sunt servitute. Ami-
ci in Adria, ad Boream, ad Thulen, Istrique ex-
trema, nec veri tamen amici; verum illi, quos
mala consilia hostes esse cogunt, finitimi sunt,
loconum gnari, nostræ levitatis irrisores, ad no-
cendum expediti. Ex Epiro & Patria nivium a-
micos accersimus; & ecce ex Belgio, Rheno,
Alsatia, Austria, Suevia, Bavaria, Francia orienta-
li, antiqua patria nostra, fidi, fortes, divites, Ca-
tholici manus tendunt, & ne barbaris, longin-
quis, hæreticis, Franciæ sanguisugis, postponan-
tur iustâ indignatione flagitant. Quæ nobis cau-
sa est hos iniuriâ despectuque exasperare? cur
imminentes, nec vnquam frustra formidatos
Pyrenæos, Asturum Biscaiorumque classes irri-
tamus? Cur divitem bellatricemque Genuam
æternum à nobis alienamus? plus verè vrbs illa
regno obesse, quàm tota Dania prodesse potest.
Ne Burgundos quidem exacerbare oportuit,
Gentem

*Cum Genu-
m pax co-
lenda.*

Gentem acrem, & ubi excanduit, animæ prodigam. horum plerosque, si omnes non possumus, officijs, humanitate, vtilitate promissis conciliare suadeo, opportunè adesse possunt. Quisquis aliud suadet, Hugonottis consulit, Regem prodit. Nostrâ solitudine illi ferociunt: Iactant Rupellenses, non timendum regem. Hostes eius esse in limine, amicos trans mare. Civilis doctrinæ imperitus est, qui hostes vicinos, amicos remotos esse suadet. An si regium Palatium ardeat, aquam è Bengala petemus, oceanove rubro? stultum est fame domi tabescere, triticum Lybicis areis condere. Pax cum vicinis esto. Melior est amicus vicinus, quàm frater remotus. Larus cum piscibus pacem iniit, ut per delphinum ab aquila defenderetur, ille cum in altum evolare non posset, mortem amici de fluctu spectabat. Carolus Quintus Sabauda amicitiam & affinitatem petenti, suasit nostrum regem coleret, à quo antè opprimi posset, quàm periculum sibi denunciari. vicinitas bona, est alter fundus.

Periculi porro, quantum fœdere cum hæreticis pangendo adeamus, eorum propositum clarè demonstrat: Infestiores hostes Rex nullos habet, quàm Hugonottas, eos fœderati nostri, religionis consortio sibi caros, percipiunt esse quàm florentissimos, potentissimosque. Catholici Hugonottas nobis subditos esse exoptant, etiam subsidia conferunt. Quid in mentem nobis venit hostium amicos fovere, hostium hostes oppugnare? Fœderatorum potentiâ crescūt animi

VI.

Amici Hugonottarū inimici Re-

gū.

animi Hugonottarum, Catholicos nobis amicos nullos esse volunt.

VII.

*Lupus lupum non
gessit.*

Patuit hoc nuperâ, commodâ quidem initio, sed serâ, & tandem inutili victoriâ. Batavos victoriâ citò pœnituit, domum recessere, diris execrationibus excepti sunt, quod fratres interfecissent. Britannus de victoriâ doluit, victos excepit, auro juvit, classe novâ instruxit, deinde victi aggressi victores, prædas abigunt, oppidâ capiunt, iunctique fœderatis nostris, quibus subditorum Catholicorum, & Ecclesiarum opes dividimus, pudendam nobis pacem imponere tentârunt. Quicquid moliuntur & agunt, inimicissimis fœderatorum intercessionibus debetur. Malignâ fraude nos circumveniunt, qui hæreticorum nos perfidiâ committunt, cum in solido fidei Catholicæ, & amore orthodoxorum salus nostra firmanda sit.

VIII.

Fœdus Gallicanum occasio fœderis Catholicorum.

Quis tandem nobis auctor fuit, ut ad caducum, non ad felicem parietem opes potentiâque regni acclinaremus? victis, exulibusque iungimur, potentes, victoresque irritamus. An pulchrum ducimus alienæ calamitatis accessionem fieri? Exules reducere grande opus est. Porfenna Tarquinius iuvare non potuit, res suas affixit. reparare fortunam solius Dei est. victi quid rependēt? nil possunt. victores non omisso ultionem probabile est. Hominibus perditis contra optimos, exulibus contra rerum dominos, egentibus contra opulentos assistimus. Germanam, Hispanam, Italiam, Poloniam

poten-

potentiam nostro periculo, exulis commodo in nos commovemus. Cui tantum in regnum licuit, ut tam damnosæ consilij auctor esse auderet? Vinci tantas vires à nobis non posse, Breda, Liguria, Alpes, & Germania docuit, interim bellis non profuturis atteritur Gallia, miseros non subleuat, sortes inimicat. Discriminis magnitudinem perpendere obnoxios necesse est. Pontifex, Cæsar, Hispanus, Polonus, Germaniæ, Italiæque Principes & Magnates, fortè & Gabor, imò & Veneti, fœdus potentissimum, arctissimùmque moliuntur, quæ re Austriaca potentia, eorumque qui Austriacis iuncti sunt, in immensum crescit: unde tantum malum? Iam ante biennium Senatus regius prædixit fore, ut nostrum cum hæreticis fœdus, pariat novum & formidabile, sed Catholicum fœdus. Quin ergo vel illi fœderi nos quoque iungamur, aut impediamus, aliquos ad nos attrahamus, aut sanè publicè palàmque nostrum eiuremus, sic enim illud elanguescet, quod nunc mutua salutis sollicitudine, curaque feruet. Multi sunt Potentium amici, suadet enim hoc tutela salutis; nulli se Potentium profitentur inimicos, nisi quibus perire decretum est, aut quos furor præcipitat, disciplina, ratioque non gubernat.

Ne porro pericula nostra ignoremus, ne ter-
 riculamentis Principes Germaniæ fugare nos
 putemus, iam omnia aperuere Confidentes è
 Polonia, Venetorum Agens è Dacia, consonant
 exploratorum literæ: Inuentam esse ab Austria-
 cis,

IX.

*Extremum
Gallia peri-
culum.*

cis, eorūque fœderatis rationem, quā sine magno Germaniæ damno Infinitam Vngarorum, Cosaccorum, Heiduccorum, Croatarum, multitudinem in Galliam, aut in Helvetiam, si nostris illi se partibus iungant, traducere valeant. Iamq; parati essent illi Dano hospites, nisi Saxo-
nis & Brandenburgici intercessione, regi non diviti parcitum fuisset. Sed neq; eadem erat Gentium illarum in Daniā eundi, quæ est in Galliam alacritas; tot millia Polonorum nobilium in Gallia versati eius ubertate, deliciisq; prædicandis, spei omnes implevere, qui vnius Cæsaris nutum expectant, iam descripta itinera, depositi sunt commeatus, ut si miles noster in Germania pedem ponat, illa bellicosissimarum nationum, examina, repetundarum iure Galliam peruat, cum interea & Belgicus, & Germanicus miles partes suas sit acturus, è Pyrenæis etiam alia clades immineat, & ex Liguria classis. Tegunt ista Consiliarii Hugonottici, regit Brandeburgicus, tegunt nostri, qui in Polonia negotiantur, ut animos à Rege abalienent, ne scilicet nos animo cadamus, ne pendere aurum hæreticis desinamus. Quid hic Danus, Brunoſuicus, Mansfeldius, Bataviq; facient? Horreo illa quæ per meram quorundam lasciviam patriæ discrimina advocamus.

X. Detestabilior tamen eorum simulatio, qui tantis malis Iustitiam causæ prætendunt. Sed velum est hoc cupiditatis, Iustitiæ enim precium apud eos vile est, Omnia adeò rident iura, ut et-

iam

iam Leonorium Carnotensem coëgerint Cleri
nomine, decretum falsaria manu scribere, in
quo & illud, ut exquisitissime, ita diabolicæ adu-
lationis est. Ideo bellum esse iustum, quia rex
iussit: Sed bene est, quòd coram tribus Cardi-
nalibus, octo Archiepiscopis, viginti octo Epi-
scopis malè scripta ipse reuocavit. Causam Pa-
latini, ratio, legesque damnant. Cæsari rebella-
vit, alienum regnum invasit, quod in Germania
crimen est Maiestatis. Socr eius Britannus, Ger-
maniae Principes, nos ipsi damnavimus. Bo-
ium pro Electoratu commendavimus. Si Co-
ronam Franciæ sibi imponere Principum ali-
quis moliretur, nonne ipse conatus supplicij,
cruciatibusque plecteretur? Cui crimen Ma-
iestatis leve est, Regum est proditor, qui Pala-
tinum alieni throni infessorem defendit, cun-
ctorum Regum hostis est, Tyrannorum Advoca-
tus. Palatinum proscripsit Cæsar, rata est sen-
tentia, eam irritam reddere non est iuris nostri.
Nō subest Francicæ Maiestati Augusta Maiestas.
Si in Cæsarem id iuris nobis arrogamus, cur non
Barnefeltij cædem, Lermæi vincula ultum imus,
rescissâ sententiâ Iberi & Batavi? An Barbini
exilium, mortem Anchraei ulcisci licuit Cæsari?
si lilia nostra libera sunt alienis sceptris, ut sunt,
eruntque liberrima, non possunt aquilæ sub iu-
ra nostra cogi,

Gallie adulationes.

*Non solis
Franci per-
duelles pu-
niant.*

Nec Franco servire Leones.

De Rhetis eadem causa est, eos damnavimus, de
Zuccurello sententiam dixit Cæsar legitimus Iu-
dex,

*Cæsari tam-
sam proba-
vit Christi-
anissimum.*

dex, eam armis nostris convellere non possumus. Quando igitur Catholicorum iusta causa est, aut sanè nondum à nobis probatum est, iniustam esse, sed iudicatum contra Palatinum pro Cæsare, cur cum nota iniustitiæ pro iniuria pugnamus?

XI.

*Miseri cor.
da iusta sit
oportet.*

Miseramur tamen nobilem exulem: Principem afflictum. Si iure exulat, restitui iure non potest. Si iniuriâ exulat, causam audiamus, Iudices legamur, nostro enim ense Iudices facere non licet. Verùm antè contra eum pronunciauimus. Si Diguerius Delphinatum, Crequius Occitaniam, Passompier Burgundiam, Schavenburgius Campaniam invaderet, an eos miseratus Cardinalis defenderet? An eos miseratus Hispanus, rogare Regem nostrum posset, ut veniam reis, & pristinam dignitatem restitueret? Larva est illa misericordiæ in unum nocentem, crudelitas in omnes innocentes. Nocet bonis, quisquis pepercerit malis, qui lupis parat epulum, mactat oves. Miseramur exulem, & in exilioluxuriantem, non miseramur cæsa, fame, frigore, morbis, fluctibus absumpta intra menses viginti, sexaginta Gallorum millia? in quibus flos Gallicæ militiæ & nobilitatis. Stilico ut purpurâ indueret Eucherium puerum, totum Orbem sanguine purpurare constituerat, consilium, utriusque morte, Deus dissipauit; non minore culpâ Palatini restitutio tentaretur: Misera Gallia quorum soboles in hoc educatur, ut pro unius hæretici purpura moriatur, Si miseremur Palatini

latini

latini perduellis, Tyranni, hæretici, cur non miseremur Cæsaris, totq; Principum & populorū, quos neci destinamus & damus, ut in purpura fulgeat Palatinus? Si verè ergo virtutem sectamur, misericordiam erga innocentes iustam tecamur, erga nocituros noxiam omittamus.

Egenti succurrimus fateor; sed suo merito, alienis inhians, suis excidit Palatinus. Ambitione suâ multa hominum millia, & subditorum, suorum plerosq; fortunâ vitæque exuit. Tantam ruinam si opes nostræ sustentare & fulcire fortè possent, non tamen hunc nobis in usum datæ sunt, nec subditi nostri sunt spoliandi, ut peregrinæ ambitionis damna sarciamus. Iterum hic Richelianam politicè requiro. Lex regnantium est. Vicinos divites colere, qui adferre aliquid possunt, regnūq; ditare, pauperū semper arrodentium, insuper auferentium fœdera vitare. Cur egentissimos contra divites fovendo, eos offendimus qui fovere nos possunt? Formam fœderum circumspice; tot millia literarū accepimus, tot legati nos incursarunt. Omnium una vox est, *adfer, da amplius*; Veneti per Ordinarios & extraordinarios Legatos pro Rhætis poscunt, Contareni orationem recordamini. Sabaudus lachrymis per nurum, per filium magnas pecunias, magnos exercitus rogat. Baravus post magna subsidia maiora flagitat, post maiora, maxima. Britannus convitio nos appellat & rigidâ voce, navium raptu cogit dotem solvere. Omnes à minimo usq; ad maximum

XII

*Pauperum
focius sem-
per dat, nil
accipit.*

B

pe.

petunt, nemo teruncium, ad nostrum ærarium refert, tanquã pauperũ cohors circumstant, divitem regem, manũsq. tendunt & mendicant. Veneri ut suis rebus parcant, Helvetij ut transitũ dent, faveant. Cœvrens ne miles fame pereat, Diquerius & Crequius ut opes malè partas augeant, Britannus ut maritimum Imperiũ roboret, Hugonotta ut pacẽ concedant, Batavi ne hæresin dimittere cogantur, & rapta restituere. Palatinus ut Catholicos trucidare, & cladem ulcisci queat, Danus ut latius regnet, Suecus ut Tyrannidem stabiliat, Brunosvicus ut dilapidet, Gabor ut Cæsarem inquietet, Mansfeldius ut Laniensæ destinatos nebulones colligat, Brandenburgicus ut Poloniam turbet, Hassus ut contra Tillium se vindicet. Ecce hi sunt regni fœderati, tot milliones expendimus, & tamen omniũ eorũ quã antè, conditio est deterior, ut boues Ægyptiacæ devorarunt adipem nostrũ, & veteri squalore marcescunt, & nobis suæ macritudinis virus afflât. Si vni ex his pecuniã negabimus impofterum, protinus ingentes erũt inimicitia, si erogare pergimũs, mox fundo suspirabit numerus in imo. Ut verò sociorũ fortunam meliorem efficiamus, altero tanto opus est, sed certæ expensæ, incertus eventus, nisi quòd de malotimendum potiũs sit, quã de bono sperandum; hætenus enim illis nihil nisi infelicissime cesset, aversa Dei mens. Id futurum est, quod factum est. desertis tandem egentibus, petacibus, nunquam satiãdis, palam amicis, clam inimicis, quibus

bis ne Persarū quidē aurei montes satis esse possint, ad eos nos applicem⁹, quorū societate subditi nostri emergere, & reflorescere lilia valeāt.

Tantō autem propensiores ad amicitiam Catholicorū nos esse convenit, quantō nobis & illis utilior est. His si amici esse volumus, nullo opus est sumptu, solo ad eos accessu, ab eorū hostibus abscessu, duo illis maxima beneficia conferemus. Nempe ut hostiū illos metu liberemus, & victoriam in manus tradamus, atq; ita illos æternā nobis benevolentia devinctos tenebimus. Si enim nostram profunderē pecuniā in hæreticos desinamus, iam Catholicos auxilio ingenti adiuvimus, & nobis pepercimus: Hæretici enim sine nobis nihil possunt; Catholici illos etiā totius regni opibus, & sanguine defensos vicerunt.

Quare necesse est Rupellā venire ista consilia, quibus efficitur regnum debile, exsuccum, aridūq; ut tandē Hugonottis obsistere nequeat, ideo tot hircines affigunt, caventq; ne vicinorū, potentium, divitū amicitia & consortio pristinas vires, vigoremque recuperet, neque enim alia causa Palatini patronis, atque Advocatis est, cur eius restitutionem urgeant, quā ut Hugonottis quā potentissimum amicum, defensorēque concilient, qualem Ludovicū, Casimirū, aliosq; eius Antecessores fuisse meminerunt.

In publicum etiam dedecus, iacturāque regni cedit, summa militum, Nobilium, Comitum, Principūque cum hæreticis familiaritas, & quod contra Catholicos alere iubentur odi-

XIII.

XIV.

*Restitutio
Palatini est
Hugonottarū
victoria.*

*Societas hæ-
reticorum,
augmentū
est hæreseos.*

um. Multi ex eorum castris & Provincijs do-
mum redeunt vel Calviniani, vel Athei, pieta-
tis irrisores, implentur talibus Urbes, Curia,
Parlamenta, iungunt sibi Uxores hæreticas, Hu-
gonottis obstricti sunt: quod quanto nostro fiat
periculo, gratulor nos nondum expertos esse:
Si Hugonottæ inolescere pergant non pau-
ciores in nostris, quàm suis castris habebunt
amicos. Si nobis mutuus cum orthodoxis sit
amor, non modò militum, quòs in acie Mars aut
morbus absunit, salus esset tutior, sed reduces
etiā cives orthodoxos, pios, Regi fidos, hosti-
bus Regis inimicos experiremur: connubia et-
iam cum Catholicis iungere absque suspitione
liceret, nunc si qui exterar mulieres inducunt,
illæ ferè hæreticæ sunt, & perniciosæ, si cum Da-
nis & Suecis diutius commorabuntur, Franci
etiā venenarijs regnum implebunt, ne ullum
malum sit, quod hæresi acceptum ferre non o-
porteat: Sintque multi Buchingamij.

XVI.

*Canonica-
tus Galli nō
accipiunt.*

Vetustis temporibus Nobilium, Principum,
imò & Regū filij ad opulenta Germaniæ Sacer-
dotia, dignitates, & Prælaturas admittébantur;
nec immeritò: à Regibus enim Franciæ Eccle-
siæ illæ initia, aut incrementa habuerunt: post-
quam Societati hæreticorum illigati sumus, si-
multatē cum orthodoxis exercemus, hæreticos
in eorum Ecclesias immisimus, ab illis penitus
excludimur, non modò à Catholicis, sed etiam
hæreticis; interim Belgæ, Itali, Poloni, Britanni
admittuntur. Quòd si Regi nostro suaderetur, ut
earum

rum se Ecclesiarum amicum, patronū, defen-
 sorem, profiteri dignaretur, hostem verò hare-
 ticoꝝ eas oppugnantīū, haud difficili negotio
 in potentissimis Archiepiscopatibus, Gallos Ca-
 nonicos, Prælatosque videremus, quo nihil
 utiliùs cogitari potest, vel ad familiarum nobi-
 bilium splendorem, vel regni utilitatem. In-
 dolui cum nuper in nobilissima Ecclesia Floren-
 tinos Canonicos; in alia, ex eadem Italia, Epi-
 scopos, in Silesia etiam Polonum Præsulem vi-
 derem. Amicis fidi sunt Germani, facile sua alijs
 communicant, nos si dexterâ humanitate sim-
 plicem gentem tractemus, omnia facile impe-
 trabimus, etiam Gallos Electores, aut sanè Gal-
 lico nomini addictos, si modò eos qui prodesse
 coronæ possunt, colere in animum inducamus.

Nostra cum hæreticis perseverantia Deo
 displicet, omnia nostra, hæreticoꝝque ille
 consilia corrumpit, conatus elisit, iam tempus est,
 ut belli infelicis nos pœniteat. Alpes, Liguriam,
 Bredam, Caletum, Gades, Germaniam remini-
 scimini: nulla nobis victoria cessit, nisi contra
 Papam, verum & nunc consilia federatorum
 tam sunt fatua, nostra tam incauta, ut salus ser-
 vare ipsa nos non possit. Quæ dicam scriptis
 multorum, legationibus, re ipsâ, omnia luce
 meridianâ clariora sunt. In Rhætica iuga mis-
 sus est Covreus, suspectus Helvetijs, exosus
 Venetis, belli dilator & Caupo; Veneti quere-
 las premere maluerunt, nec omnes tamen, do-
 mi cum pro proditore traducunt. Illo duce ni-

XVII.

*Hæreticoꝝ
 consilia im-
 prudentia.*

hil præclari gestum est, nihil geretur. Digne-
 rius auri quam Sabaudi amantior, omnem occa-
 sionem belli neglexit, milites perdidit, omnem
 retrò famam amisit: Crequius avaritiæ pro-
 brum auxit, per hos nihil agi potest, cum ma-
 iore in odio sint apud fœderatos, quàm ho-
 stes. A Sabando irritati delationibus, cum
 si poterunt, Genuensibus tradent. Equitatum
 Brunosiuco commisimus hominì stolido, præ-
 cipiti, qui primà semper die quàm hostem vidit,
 cæsus est; qui proximis diebus, ne caderetur,
 strenuè fugit, & quidem in prima acie inter ve-
 lites. Alios Mansfeldio tradidimus, qui sem-
 per fugit, postquam semel transfugit, qui fa-
 me his nostrum militem necavit, & die 25. A-
 prilis anno 1626. Equitatus parte cæsa, effusa
 fugâ peditatum destituit, qui internecione de-
 letus est, impedimenta capta. Iam Danus est
 columen militiæ nostræ, Fabij æmulus & cum-
 stator pugnam detrectat, socios perire mavult,
 quàm subire periculum. Nullum opus ad
 hoc Imperatorium ædidi, nisi quòd semel cum
 toto exercitu fugit, ne videret hostem, semel
 partem copiarum occidendam obtulit. In Bri-
 tannia credo felicior successus? imò miserabi-
 lior, lenti apparatus classis, contagio in castris,
 annonæ repetita corruptio, damna tempesta-
 tum. Ducum inscitia, militum metus, Bri-
 tannidas dices non Britannos. Supremus clas-
 sis ductor Buckinghamus, (qui fuit Antinous,
 mox erit Eutropius) Vicarium periculi elegit,

malè

Digne
nem occa-
, omnem
ritia pro-
cum ma-
uam ho-
us, cum
quitatum
do, pra-
em vidit,
ederetur,
inter ve-
qui sem-
, qui fa-
ie 25. A-
, effusa
one de-
anus est
& cum-
navult,
ous ad-
el cum
, semel
In Bri-
erabi-
castris,
pesta-
, Bri-
s clas-
nous,
elegit,
le

malè res gesta, reducum mutuae accusationes.
Deterior in occidente fortuna Batavorum, clas-
sis Anglo-Batavo-Perfica ad sinum Persicum,
cata. In Anglia, Hollandia, discordia sunt, Du-
ces defunt. Damnosi nobis focij, qui ignavia,
metu, imprudentia, temeritate, se ipsi perdituri
eunt, nos illos servare non possumus, sua nos il-
li ruina facile involvent. Circumspicite omnes
haereticorum Duces. Nullus ulla victoria in-
signis est, omnes metu, fuga, cladibus, amisso
exercitu infames. Consilia, prudentiam, for-
tunam Catholicorum aliam video. vicere sem-
per, vicere parva, & aliquando sine ulla suorum
clade, vicere saepius. Cur ergo nos illis ma-
ledicimus, quibus benedixit Deus. Cur ir-
rita contra illos arma tenemus, quos ante for-
tis armatus, Omnipotens nomen eius? cur eis
foederari nolumus, quos hostes timere cogi-
mur, cum ante oculos nostros sit fortuna bona,
non eligimus bonum?

At erunt meliora; Duces fortiores. At iidem
sunt, robur Militum & Tribunorum occu-
buit, supersunt, qui fugere didicerunt. Si
tamen boni sint, vereor ut auro Hispalensi,
quod metamorphoseis efficit, mutantur. Im-
ber aureus in sinus Ducum nostrorum irro-
rat, illa, pluvia, non sola Danaë violatur,
suspectus est Diguerius cum socio, suspecti Pa-
latiniani Collegae, classem Anglicam nimbus
putrefecit, Mansfeldij milites infecit. Nunc.

*Via auri His-
panici.*

omnia nostra consulta, etiam paucissimis cognita ope Dedaleâ, magnetico auri tractu Hispaniâ transvolant; operosâsque Bruxellas; nec fidem Francicam accuso, fœderati hæretici omnia venalia habent, & animam & nostram amicitiam, & literas, & consilia, & Regnum. Quacunque ex re lucrum captant, fas & merces apud eos diversa sunt nomina, res eadem.

XIX.

Quorsum tamen ista disputo? non est liberum nobis Palatinum in integrum restituere. Divisione rem conficiam. Vel lentâ modicâque stipis erogatione Danum & Brunosvicum adiuuabimus, ut nuper quinquaginta millibus; vel pleno grandique exercitu Germaniam invadimus. Prior belliratio, propositum non obtinet, subditos enervat, amicos non promover; dum enim bolum illum glutunt, silent; mox fortius clamant: & quod datû est maius est, quàm quòd continuare possimus: minus quàm ut sustinere bellum possit. Perit ergò ut gutta injecta ferro candenti, quod post strepitum elementi consumpti sæuius exardet. Altera ratio in omnia nos discrimina raptat. Nam si bello propalâ utimur; vel in Belgium, vel Palatinatum, vel Alsatiâ, vel certè per Helvetios in Sueviam eundum est. ubique dura & anceps belliratio. Belgæ iam parati sunt, erupturis similes, Urbes munitæ, pubes bellatrix, omnes clades duplicatò repositura. Palatinatum iam legiones Germanicæ, Wallonicæ insident, oppida firmarunt, in agris nihil superest. Vicini Principes

*Bellis diffi-
cultas.*

cogni-
Huspa-
nec fi-
fici o-
ram a-
num.,
merces
t libe-
tuere.
câque
adiu-
; vel
vade-
inet,
dum
for-
uam
ut fu-
nie-
nen-
o in
pro-
um,
ue-
belli
mi-
cla-
le-
ida
rin-

cipes intra paucas horas, ad triginta millia in armis habere possunt. Eadem in Alsatia ratio est: In Sueviam non nisi longo circuitu pervenire nostræ copiæ, compendiò transcurrere hostes possunt. Et Suevia tamen montibus, sylvis, omnibus impedita est, viris armisque potens, vicina Francia, Bavaria, Austria, & Alpium incolæ negocium facessent, præsertim iam parati: nostræ minæ fecere solertes. Quanquam iam non de resistendo, sed inferendis armis deliberant, & omnia constituta habent, secretorum nostrorum per Venetos, Batavos, Britannosque gnari. Aurum revelat omnia arcana & alta cordium, etiam illa quæ vinum tacet.

Nec contemnenda est, quæ imminet Pontificis excommunicatio, quâ percellentur omnes Duces militesque, qui contra Unionem Catholicam arma ferent, nulli illis Ecclesiastici adesse valebunt. Fulmen illud multorum animos prosterneret, turbas dabit; Episcopos inter se committeret, nobilitatem ad prava consilia impellet, fidem acceptâ occasione Hugonortæ affligent, totum regnum dissensione scinderetur, & quod fieri discordiâ solet, collabescet; quod ut numen averruncet toto animo, vocæque obtestor. Et vos, ô Viri eminentissimi, hortor, ut hæc animis perpendere, deliberando excutere velit. Hoc officium vestrum dignitasque postulat, hoc omnes Principes, Præsulesque Galliæ, hoc Ciues, hoc innocens culti ruris habitator, à Rege sapientissimo, iustissimo facile

XX.

omnia impetrabit, auctoritas vestra cui cedere
 illi qui haecenus obstituerunt. Animos tandem
 Francos resumite, audeat aliquando decernere
 quod displiceat. Diti locio, suum iam Riche-
 lieum in ordinem redigunt proceres Anglica-
 ni, vos regni nostri Buckinghamium docete non
 alium sapere. Hæc vobis disputanda proposui
 voce omnium locutus. Interim nihil definitio.
 Vestra ista partes: alioqui Veneti censuerunt,
 non posse contra Casarem aliquam spe bel-
 lum geri, nisi arma Turcus moueat,
 quæ iam sunt impedita.



QVÆ.

QVÆSTIONES.

PORRO IN CONSILIO

AGITANDAS ORDINE PROPO-

nam in gratiam eorum, qui hæc omnia
legere non possunt.

QVÆSTIO PRINCEPS.

*Utrum facere fœdus cum Catholicis, an cum here-
ticis sit utilius?*

QVÆSTIONES ANNEXÆ.

- I. *An utilius sit fœderari amicis, fœdus optanti-
bus, an oſoribus?*
- II. *An melius sit Dei hostibus, an amicis jungi a-
micitiâ?*
- III. *Utrum sit tutius, Regi Christianissimo cum or-
thodoxis, & secum in religione consentientibus
fœdus habere, an cum Calvinistis, Manichæis,
Barboritis, à quibus Antichristianus indicatur?*
- IV. *An cum illis qui sibi à Deo eadem Catholica-
rum imperatam credunt, tuto fieri pax valeat?*
- V. *Utrum Christianissimo sit honestius, cum Pon-
tifice, Episcopis, Regibus, Principibus orthodo-
xis, an cum impiis contra hospita inire?*
- VI. *Utrum securius sit, fœdus pargere cum hostium
noſtrorum amicissimis, Advocatis, fratribus, an
cum hostium noſtrorum hostibus æternis?*

- VII. *An expediat vicinos habere amicos, & remotos hostes, an è contrario praestet amicos esse trans mare, hostes in limine?*
- VIII. *Quam prudenter hostibus nostris, nostris opibus potentissimos patronos contra nos paremus?*
- IX. *An politici sit suadere, ut pro Exulibus contra potentissimos arma geramus?*
- X. *Quàm utile sit subditis nostris, pro egentibus, paucissimis, insatiabilibus, contra opulentos nos foederibus illigari?*
- XI. *An opera pretium sit, plus opum in eos effundere, qui post tot milliones eorum causâ perditos, de nostra tenuitate queruntur.*
- XII. *Quomodo excusari possimus, si quorum causam damnavimus, eos nunc defendamus?*
- XIII. *Quod ius sit nostri regni in Casarem & Germanos, ut sententiam in rebelles eorum latam, esse rescindere liceat?*
- XIV. *An idem Casari ius in nostrum regnum, & cur non?*
- XV. *An Tyrannum exulem, provincia vastatorem; an iustum Regem, & innocentes misericordia dignos potius iudicare oporteat?*
- XVI. *An Casarem & omnes Catholicos in Germania occidere liceat, ut Palatinus sit rex Bohemia, aut Elector?*
- XVII. *An prudenter eorum amicitia suadeatur, qui iam sex annos continuos vincuntur, nunquam vicerunt?*
- XVIII. *An utiliter nostra pecunia detur illis Regibus, Ducibus, qui metu, ignaviâ, imperitiâ, temer-*

meritate eam cum exercitu hæcenus perdidērunt?

XIX. An non melius sit, eos esse nobis amicos, quos Deus opibus, prudentia, fortitudine, perpetuis sine interruptione victoris donavit?

XX. An regiones munita, parata, tuto inuadi possint?

XXI. An prudenter exercitus e regno educi possit, cum hostes alij sunt in patria, alij prope patriam?

XXII. An non timenda sit diversio ad istro, Savo, Vistula?

XXIII. An Papa fœderatis Catholicis possit milites nostros pro hæreticis contra Catholicos pugnantes excommunicare? an facturus sit?

XXIV. An ea res periculosa futura sit?

XXV. An prudenter Veneti censeant, belli nullos fore successus, nisi Turcus Austriacos invadat?

XXVI. An qui ista monet, & movet bonâ mente, reprehendi possit?

XXVII. An non præstet Cardinalem, aliosque sententiam mutare, quàm regnum perire? Tantum est. Valete.

F I N I S.